

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(III)23

**SOALAN BERTULIS OLEH AHLI KAWASAN BATU LANCANG
YB. ONG AH TEONG**

23. Berdasarkan kepada Akta Makanan 1983, Kementerian Kesihatan Malaysia mempunyai kuasa dalam mengambil tindakan penguatkuasaan ke atas restoran atau kedai makan yang kotor.
- (a) Berapakah jumlah premis diperiksa dan dikenakan tindakan penguatkuasaan kerana melanggar Akta Makanan 1983 bagi tahun 2016 dan 2017?
 - (b) Sila senaraikan premis berkenaan mengikut kesalahan yang dilakukan.

**YB. DR. AFIF BIN BAHARDIN
MENJAWAB BAGI PIHAK Y.A.B. KETUA MENTERI**

23. (a) Kementerian Kesihatan Malaysia telah mengambil tindakan penguatkuasaan di bawah Akta Makanan 1983 ke atas restoran atau kedai makan yang kotor. Jumlah premis yang diperiksa dan dikenakan tindakan penguatkuasaan kerana melanggar Akta Makanan 1983 bagi tahun 2016 dan 2017 adalah seperti berikut:

Tahun	Jumlah Premis Diperiksa	Jumlah Premis Diperiksa tetapi tiada tindakan	Tindakan Penguatkuasaan ke atas Premis Diperiksa	
			Tutup Premis	Dikenakan Kompoun
2016	7166	6272	87	807
2017	7041	6278	147	616

- (b) Premis yang telah diperiksa dan dikenakan tindakan penguatkuasaan kerana telah melanggar Akta Makanan 1983 bagi tahun 2016 dan 2017 melibatkan kekotoran dapur, gerai, hotel, kedai makanan, kilang pemprosesan makanan dan lain-lain.

Terdapat sejumlah 399 peraturan/kesalahan dalam Akta Makanan 1983. Antara sebahagian jenis kesalahan yang dilakukan dan akan dikenakan tindakan penguatkuasaan adalah seperti berikut :

- (i) Tidak memakai apron;
- (ii) Memakai apron yang kotor;
- (iii) Kuku Panjang;
- (iv) Memakai barang kemas;
- (v) Peralatan dapur kotor;
- (vi) Premis kotor;
- (vii) Tiada tong sampah;
- (viii) Peti sejuk rosak;
- (ix) Tidak menjalani latihan pengendali makanan; dan
- (x) Tidak mengambil suntikan *Typhoid*.

Kerajaan Negeri tidak mempunyai maklumat terperinci berkaitan senarai premis yang dikenakan tindakan penguatkuasaan dan kompaun mengikut kesalahan yang dilakukan. Maklumat lanjut boleh dirujuk kepada laman web Kementerian Kesihatan Malaysia (KKM).